

欽定剿平三省邪匪方略

欽定剿平三省邪匪方略正編卷十八

丙辰年

九月十七日

已未

畢沅奏言

臣

因鍾祥賊匪敗竄

趕緊馳到襄樊督率文武各官厚集紳勇人等

分投堵截查賊匪前在鍾祥經永保等痛加剿

殺散漫逃竄永保等因首惡姚之富等未獲誠

恐餘賊北竄延及豫省邊界隨率官兵星夜追

襲繞赴雙溝邀擊賊匪死者甚衆復經將軍都

統提鎮等督兵奮剿斃賊無算逆匪狡詭異常
分爲兩股一由黃龍壩東竄聚陽仍思糾衆入
夥牽制官兵一則西竄希圖前往鄧州復行滋
事先經永保籌及西路緊要於本月初十日復
率官兵繞道疾赴呂堰兜截賊匪果由此路奔
至永保等嚴兵以待見賊匪捨命直撲我兵鎗
礮齊發殲斃生擒賊匪甚多餘匪披靡仍復折

回東逃呂堰驛路照舊通行無阻臣抵襄後不

時偵探賊情已預率總兵徐昭德及道過襄陽

之甘肅藩司張朝縉安襄鄖道胡齊崙統領紳

士鄉勇數千又值陝西遊擊趙大用江西都司

福寧阿帶到後路官兵三百餘名臣亦卽飭令

在樊城以上之青河口一帶堵截以備夾擊果

見敗回賊黨紛紛亂竄臣與徐昭德張朝縉胡

齊崙等激勵兵勇擊殺賊匪二百餘名守備富
色納率同兵勇生擒兇悍頭目田得魁及夥賊
三十五名訊無要供卽行斬首梟示餘賊未能
闖入襄樊窺伺奏入

上命軍機大臣傳諭永保畢沅福寧曰鍾祥賊匪逃
至雙溝經永保等迎前邀擊賊復分東西兩股逃
竄其西竄之賊復經永保等繞道兜截痛加剿殺

賊匪向棗陽一帶逃逸現在跟蹤追剿尙未據永保等將此次殺賊情形具奏至前次永保等奏舒亮德齡烏什哈達等先往呂堰驛防堵賊匪會否擾至該處舒亮等如何堵截痛殲賊匪之處亦總未據奏到現在是否與永保等同赴棗陽會剿著永保等卽行馳奏並將東竄賊匪速行剿淨至畢沅馳抵襄陽偵探賊匪敗回紛紛亂竄畢沅等卽

率同兵勇生擒頭目田得魁及夥賊三十五名尙
屬奮勉畢沅著賞給白玉搬指大小荷包徐昭德
張朝縉著各賞給青玉搬指大小荷包胡齊崙趙
大用福寧阿富色納俱著賞給大小荷包以示獎

勵

十九日

辛酉

永保恒瑞明亮慶成鄂輝舒亮奏言

鍾祥賊匪竄至雙溝經官兵晝夜追躡乾糧軍

火必須接續供支河南撫臣景安一聞官兵追
剿遠來卽委員管押米麪饘餅鉛丸火藥火繩
等項於初七日運送到營臣等卽帶領各營官
兵起程前進偵探賊匪自北竄後屢經官兵邀
截衝殺自知萬無生理分爲東西兩路逃逸一
從東路棗陽縣屬地方前赴唐縣一從白河而
西由襄陽之呂堰驛直趨鄧州而呂堰驛尤爲

楚豫接壤衝衢春間逆匪曾經滋擾若不先將

西竄逸匪剿洗驛路阻隔尤有關係臣等鼓勵

弁兵星夜兼程繞赴呂堰臣舒亮總兵德齡帶

領官兵鄉勇在於驛路西北一帶村莊埋伏以

截竄逸之賊初九日早賊衆自東而西蜂擁前

來臣永保總兵富成等排列步隊用鎗礮擊打

臣恒瑞明亮鄂輝等從兩旁往來衝殺自己至

西殲斃賊匪無數生擒一百三十餘名賊衆潰
敗退至距呂堰驛三十里之葉家店一帶高岡
密林內屯聚臣等卽緊追至逆賊佔踞處分布
官兵層層圍住隨於初十日黎明臣永保鄂輝
卽督率弁兵四面追逼臣恒瑞明亮慶成等帶
領奮勇弁兵衝入樹林與賊短兵相接殲斃賊
匪數百其四散奔逃之賊皆被臣永保鄂輝等

周圍截殺及舒亮德齡伏兵鄉勇捉拏所有向西逃竄之賊全行剿淨呂堰大路已無阻隔

臣

隨札知督臣畢沅選派鄉勇臣等亦酌派官兵

於要路防堵不使東路之賊復又西竄現在襄

陽樊城一帶地方俱已寧帖臣等隨移兵渡過

白河唐河由棗陽縣之西北剿辦向東竄逃之賊務使淨盡根株至連日拏獲活賊內有首逆

姚之富之母郝氏媳郝氏孫姚幅金姚幅廷姚朝娃等嚴加訊問皆係被剿衝散實不知姚之富下落該犯等均應緣坐逆屬暫交襄陽縣嚴行監禁俟扞獲首惡質訊辦理奏入

上命軍機大臣傳諭永保恒瑞慶成景安曰永保等帶領官兵追剿逸匪將向西奔竄之賊先行剿淨呂堰驛大路已無阻隔所辦尙好但賊匪現向東

逃永保等務須上緊追捕毋使竄入棗陽唐縣一帶復遭蹂躪至姚之富之母媳等雖已擊獲而姚之富尙未就擒務須嚴行查拏不可因其眷屬已經就獲致滋踈懈至棗陽唐縣等處景安務須督率官兵嚴密堵截如有竄匪立即擒獲毋使漏網上諭內閣曰景安自堵剿楚北教匪以來調兵運糧均無貽誤現因賊匪北竄官兵追剿復能不分畛

域將鉛丸火藥米鈔等項委員運送軍營源源接濟所辦甚屬可嘉景安著加恩賞給太子少保銜並著賞給大小荷包以示優獎

二十日

壬戌

景安奏言湖北鍾祥賊匪經官兵分

投截剿賊分兩路一奔西路呂堰一聚雙溝附

近七方崗等處當經永保等分路抄剿

臣

率同

臬司陳文緯等並文武員弁分帶兵勇於鄧新

唐三州縣交界嚴密，均截凡北竄賊匪，均經截殺無遺，並生擒二十一名，訊非緊要頭目，當卽

正法。連日實無一賊竄入豫境，嗣經承保等將

西路賊匪痛殲，呂堰驛路已經廓清。惟東路襄

棗一帶尚有賊匪屯聚，承保等現在移師由北

面陳家河撲剿，諒不難剋期洗蕩。臣仍率領知

府完顏岱等鼓勵兵勇，相機協剿。再。臣處擒獲

賊匪訊有欲往鄧州浙川之供現已飭南陽府知府同知等帶領本地義勇不下萬人於各該處交界實力堵截復令臬司陳文緯帶領鄉勇在新店鋪要路截擊設賊又向西竄卽可隨時截剿

同日汪新奏言查荆門州與鍾祥境壤密邇且地勢平行日前該處屯聚賊衆已被官兵痛加

剿戮餘匪復竄至宜城襄陽等處現在永保明
亮恒瑞慶成鄂輝舒亮等領兵悉力窮追而督
臣畢沅又以襄陽郡城關係緊要馳赴彈壓誠
恐目下大兵於西北之襄宜一帶緊逼兜剿賊
衆見勢窮蹙或轉向東南折竄必應先事預防
臣現卽星馳前赴荆門將後路各卡隘週歷查
看如原設鄉勇尙形單薄卽酌量增添務使聲

勢壯盛堵禦周密餘匪不敢竄回滋擾各路糧餉軍裝軍火等項經臣籌備寬裕現在分路源源運送無虞缺悞均奏入

上命軍機大臣傳諭永保恒瑞景安曰鍾祥賊匪北竄經永保等帶兵追捕景安一聞官兵前抵雙溝卽將糧運趕緊運供辦理妥速昨已降旨賞給官銜現在賊匪自不至竄入豫境但該撫仍須督兵

嚴堵毋得稍存大意至永保等已將向西逃竄之賊全行剿淨現在移師由北面陳家河撲剿四路夾擊無難剋日擒捕若再任其竄往他處致未經被賊地方又遭蹂躪永保等能當此咎戾耶至姚之富眷屬俱經拏獲但該犯之子現在何處摺內未經奏及永保等務須查明下落一併拏獲

二十三日_{乙丑}成德文圖奏言查賊匪所佔滋鄆

在重山之南險峻陡仄旁徑僻路甚多週圍約
數十里凡有可通賊巢之處賊匪俱已將路徑

挖斷紮卡防守必須先將東北一帶之蓼葉口

長沖等處賊卡山梁奪獲佔住方能疏通大峯

堽小峯堽之路臣等卽於本月十四日寅刻督

率滿漢官兵進攻蓼葉口賊卡賊人知覺於卡

內施放鎗礮拋擲壘石我兵用攜牌遮護齊冒

矢石奮力直撲推倒卡牆立斃數十人餘賊乘
卡奔逃我兵隨後追逐適有長沖卡賊前來救
應逸賊復又轉回一齊抵拒官兵忿恨併力攻
擊殲斃賊人無算直逼至長沖卡齊用鎗礮轟
擊賊內外受敵力不能支官兵一擁撲進刀砍
矛戳又斃一百數十人將卡奪佔因日已晡時
雲霧四起未便再進卽於長沖山架撥兵紮卡

再行相機逼剿

同日景安奏言臣查豫楚交界之倉臺地方係

屬唐縣新野要路當東西兩路之中臣率同南

陽府知府完顏岱陝州營都司蘇大雄等帶兵

四百名鄉勇二千名紮營堵截其逆東之滹河

鎮爲唐縣門戶且通南陽臣亦派令備弁酌帶

兵勇嚴密防守並知會永保令舒亮烏什哈達

德齡帶兵於滹河東南之楊家壩堵截永保等
統領大兵在陳家河一帶緊逼逆賊屯聚處所
探得十五六等日永保等統領官兵進剿賊匪
自十六日打仗後賊匪復向東北一路焚掠已
距滹河鎮不遠當經飛行知會舒亮等實力堵
截適阿克棟阿帶兵前來倉臺協防臣卽囑令
帶領原兵馳赴滹河鎮協力堵截其西路新店

舖一帶本令臬司陳文緯防禦緣目下賊氛逼
近豫境民心未免驚惶新野縣城不可無大員
駐守且有籌撥軍火糧運事宜是以飭令陳文
緯仍回新野縣彈壓其新店地方飭署南陽鎮
遊擊揆明帶領兵勇嚴密防堵臣處兵雖較少

率同文武員弁鼓勵兵心團練鄉勇加意防守
不敢稍有疎懈再臣查雙溝已有總兵楊秀帶

兵五百名駐防其呂堰驛亦不可無兵彈壓商
之永保等意見相同但永保等現在兵力尙覺
不敷自不能分兵留防惟查有山西兵一千名
閒駐河北據藩司吳璫並河北鎮張文奇均稱
察看河北一帶情形實甚寧謐應酌留五百名
駐彼其餘五百名卽令山西原派員弁帶領前
赴呂堰驛駐劄彈壓俟湖北大定時再行撤回

則楚豫邊境既足以壯聲威設有逃竄餘匪並
可隨時擒捕庶於兩省驛站地方俱有裨益均
奏入

上命軍機大臣傳諭永保成德曰成德奏官兵奪獲
蓼葉口長沖賊卡殲斃賊衆所辦可嘉所有帶兵
出力之將弁等俱著查明咨部議敘其打仗殺賊
兵丁著賞給一月錢糧以示鼓勵至該處距榔坪

賊巢不遠賊首林之華等從未見官兵聲威成德等乘此勝勢鼓勇直前將賊首林之華等剋期擒獲不可再任竄往他處致剿捕有稽時日

二十四日丙寅永保恒瑞明亮慶成鄂輝舒亮奏

言臣等連日督率弁兵由襄陽棗陽接壤一帶

追趕東竄之賊詎逆匪已於官兵未到之先向東北官圓寺朱家樓一帶焚掠裹脅該處距河

南邊界較近撫臣景安現在倉臺地方親率員弁督同兵勇分布防範淳河鎮地方亦派官兵堵禦但地方遼濶處處皆有通衢仍恐賊黨乘隙竄逸

臣

舒亮帶同侍衛烏什哈達等先於十

三日領兵至淳河鎮之東南要路楊家壩堵截

臣

永保等分起沿路搜捕至十五日晚趕到陳

家河地方緊逼賊人屯聚處所卽於次日發兵

進剿舒亮帶兵在楊家塢遙爲聲勢賊匪公然

排列勢極兇悍

臣

等分爲左右夾攻鎗礮競發

擊斃賊人甚衆無如賊匪隨到隨進兩旁村內

隱藏賊人直前捨死持矛撲入大隊與官兵攪

爲一處短刃相接立時殺賊無數餘衆尙有數

千直向東北奔竄官兵自鍾祥剿殺賊匪以來

二十餘日晝夜追賊微形疲憊且此間地居平

曠路徑四達除各處撥派留堵防守外計現有
兵數並察看賊匪蹤迹兵隨處急竄情形實有不
能統前兇截痛殲之勢臣實不勝憤悶焦急現
已先令總兵阿克坦阿帶領河南弁兵赴景安
處協同防堵並公同商酌仰懇

皇上天恩酌派豫省隣近之兵由北而南嚴加攔截
庶不致令匪徒四竄剿捕更爲得力

同日永保恒瑞明亮慶成鄂輝又奏言竊查此

次剿辦湖北逆匪

臣

恒瑞帶來滿兵並綠營兵

攻擊竹谿竹山房縣保康等處賊匪

臣

明亮舒

亮等帶來兵丁攻肇郎西縣泥河口孝感當陽

等處賊匪

臣

慶成富成等帶來直隸山東兵由

河南至襄陽宜城棗陽鍾祥等處屢次攻擊俱

係奮勇直前是以陣亡被傷殘廢病故者亦復

不少現有兵力五千而精兵久經鏖戰其餘半屬平庸現在賊勢雖由鍾祥擊退餘匪不多然皆自知必死捨命抗拒臨陣時竟敢衝入我軍隊內不避鎗礮官兵雖奮勉擊剿而勇銳之氣究不如前必須添派精壯之兵方可一鼓集事

臣等公同商議仰懇

皇上天恩賞給山東兵二千名直隸兵二千名卽由

河南湯陰縣北一帶斷賊歸路再得吉林精壯
馬兵五百名帶領進攻使賊匪措手不及自更
易於蕨功

同日惠齡奏言臣自奪獲涼山五處賊卡後亟

思平毀賊巢奈數日以來早則大霧瀰漫午後
卽霖雨不已而山勢陡險一線羊腸俱係鑿石
爲梯異常濘滑從下仰攻不能得手且九鼎坵

香爐巖賊卡橫踞半山阻擋我兵進路尤爲上山必爭之地若將二卡奪獲則大賊能及賊巢便可日夜轟擊不難相機而上因思前獲王來卿鄧子青二犯係覃士潮遣赴榔坪求救者其被官兵擊獲覃士潮等尙未得知莫若暗派兵勇假作榔坪之賊前來援救覃士潮等自必出卡迎應庶可乘勢奪取當派候補都司劉貴朝

等帶領兵勇三百名伏於獅子山山坳候補都
司林朝輔等帶領兵勇三百名伏於頭天門山
坳並飭令侯賊匪一出卡座卽統兵勇分投殺
入九鼎埡香爐巖二卡斷其歸路又令侍衛關
騰副將張持各帶兵勇三百名分伏於涼山坪
左右山溝候賊匪前來卽行突出截擊並派守
備汪鏗亮等帶領鄉勇四百名改用賊匪旗幟

於十五日卯刻濃霧未開之際從望州坪董家

溪一帶放鎗吶喊而來臣率領道員先福同知

鄭成基各帶兵勇亦從山上殺下作爲前往迎

敵之勢維時賊匪聽聞鎗礮吶喊之聲奔上山

巔四處瞭望亦卽在山放礮鳴鑼造爲聲勢未

敢率衆出卡下山接應臣揣度賊情必以官兵

勇銳恐難衝過故爲觀望不前當密諭官兵四

散分走佯爲不勝之狀讓汪鉉亮等衝突而過
將近涼山坪營汪鉉亮等展動白旗招令賊人
下山接應果有賊一百餘人從香爐巖九鼎埡
賊卡疾趨而下迎見汪鉉亮等訝其不類黨與
正返身奔回恰值關騰張持帶領兵勇從左右
山溝突出臣亦率領官兵奮勇馳至前後圍剿
賊匪無處逃生盡行殺斃其時劉貴朝林朝輔

等見賊人出卡下山卽乘勢分投殺入九鼎堙
香爐巖二卡有守卡賊匪數十人經兵勇等爭
先殺斃其受傷逃_出奔上山者僅止數人當將
該二卡奪占_臣與關騰先福及各員弁等亦已
先後趕到又生擒竄出賊匪鄧正貴等二名訊
無要供卽行梟示山上賊匪見官兵驟如風雨
一擁而來卽於二天門卡內推滾大石拋擲火

彈拚命抗拒維時天色傍晚雨勢又作隨將官
兵紮住查涼山一峯高聳賊人一石滾下傷我
數人誠有一夫當關之勢且山上水泉充裕

臣

現於對面山頂緊對水泉之處安設礮位派令
官兵晝夜轟擊斷其汲道一面於二天門賊卡
對面排列大礮數位盡力攻摧若得天氣連晴
數日賊匪無水可飲自必慌亂而官兵鼓銳直

前山路旣乾亦可不致顛踣臣仍相度情形鼓

勵士卒務於數日內掃蕩賊巢速行戡事再成

德等自抵長陽後臣接其來咨知已連奪賊卡

屢得勝仗並據巴東縣稟報總兵諸神保帶兵

八百餘名現已入境在召堡一帶屯紮又江西

兵七百名經副將樊雄楚等帶領全抵歸州現

在會同候補知府常丹葵分派各要隘堵剿諒

榔坪賊匪經此四面合圍當不難卽就殄滅

同日景安奏言據差弁探報滹河鎮地方已被賊匪焚掠並據舒亮等來信賊匪逼近營盤對

放鎗礮一陣賊衆卽向東北逃竄等語臣聞信

實深焦急舒亮等官兵轉在賊匪之後豫境平

原曠野必須及早截剿臣一面飛行知會永保

等迅速帶兵前赴滹河剿捕查倉臺爲新野要

路亦通唐縣且連日附近一帶均有賊匪放火
不可無兵防守臣現在僅有兵四百名酌留二
百名並鄉勇一千名防守倉臺臣帶兵二百名
鄉勇一千名馳往滹河會同阿克棟阿等相機
截剿均奏入

上命軍機大臣傳諭惠齡福寧觀成成德曰惠齡奏
連日攻剿涼山賊匪奪占賊卡二座所辦可嘉此

次帶兵奮勇之關騰先福及在事出力員弁著惠
齡查明咨部議敘以示鼓勵涼山屯集賊匪本屬
無多節經惠齡剿殺現復於緊對賊匪水泉之處
安礮轟擊斷其汲道此時秋深氣肅天氣連晴賊
匪無水可飲亦必不攻自潰計日內惠齡已將該
處賊匪剿盡惟當乘勝遵照節次諭旨迅赴榔
坪與福寧成德等會合夾擊擒獲逆首林之華掃

除餘孽爲要至鍾祥竄匪復擾豫境景安奏稱舒亮等與賊匪等對放鎗礮一陣賊衆卽竄向東北豈非舒亮等官兵轉在賊匪之後而竄向東北又往何方其實在勝負情形並未詳晰聲敘且舒亮等所帶官兵旣在賊匪之後看來舒亮等竟不能堵截得勝賊勢反覺稍張淖河鎮爲唐縣門戶路通南陽關係緊要而呂堰驛又爲豫楚驛站要路

自不可無兵彈壓業經景安將前此調駐河北之山西兵一千名抽撥五百名令山西原派員弁帶赴呂堰驛駐劄防守自應如此辦理河北一帶地方寧謐此項兵丁自應早經調派景安所辦未免稍遲並著該撫再將現在留駐河北之山西兵五百名全數速行調往帶回剿賊更可以資得力又據永保等奏請酌添兵力已於直隸山東各派兵

二千名星速分起馳往其請派吉林兵五百名吉林道路較遠計由該處調派前抵豫省至速亦需月餘殊屬緩不濟急且轉涉張皇茲特派健銳火器營勁旅各一千名令都統巴克坦布護軍統領阿爾薩朗副都統碩雲保訥音帶領分起馳往較永保等奏請之數已多至一千五百名該處得此勁旅並有健銳營火器營滿兵聲勢更爲壯盛

但承保等亦不可坐待新兵之至務當彼此會籌
先行設法兜擒再景安昨奏舒亮等在滹河鎮附
近之楊家壩防守經景安囑令阿克棟阿前往協
同堵截今賊匪既由滹河鎮東北一帶竄逸舒亮
等轉在賊匪之後現在是否跟蹤追剿或在楊家
壩防堵抑或仍回承保處而阿克棟阿又在何處
截剿賊匪究往何處奔竄抑屯聚一處景安與阿

克棟阿如何相機截剿本口摺內俱未奏明此等
潰敗賊匪若在一處屯聚則官兵圍住兜擒轉易
抽淨若於平原曠野四處竄逸不獨官兵追剿易
疲且恐未經被賊之處復遭蹂躪永保景安等總
當於緊要路口截其奔竄之路再行會合殲擒至
畢沅現駐襄陽該處賊匪業經竄往東北一帶唐
縣地方現在簡發京兵並調派直隸山東兵丁共

六千名前往迎剿所有應需糧餉及京兵需用馬匹畢沅仍當駐彼與景安會同酌商預爲籌備接濟以期無悞供支且襄陽地方與豫省毗連務須妥飭員弁仍前嚴密防守勿令復行竄回

同日

上諭內閣曰永保等奏現在追擊賊匪綠營兵不甚得力請添烏鎗馬兵著健銳營火器營各派兵一

千名令巴克坦布阿爾薩朗碩雲保訥音帶領分
爲八隊前往豫省交永保等酌量調遣兩營應派
官弁著交該管大臣等選派幹員帶往巴克坦布
等四人各賞銀一百兩其餘官弁照例應領之項
作速妥辦自二十八日爲始分起啟程毋得遲悞
上又命軍機大臣傳諭梁肯堂景安曰湖北教匪經
永保等由雙溝一帶追剿賊匪奔竄擾及豫省淖

河鎮地方復往東北逃竄景安由倉臺前赴滹河
鎮會同阿克棟阿等相機截殺但恐兵力較單不
敷堵截著傳諭梁肯堂卽飛飭正定鎮總兵明泰
於附近營分先行抽派勁兵二千星速帶領馳赴
豫省滹河鎮東北一帶唐縣交界地方迎頭截剿
毋任賊匪向東北竄逸以致平衍地方再有蔓延
滋擾其正定鎮地方亦關緊要著宣化鎮總兵扎

爾杭阿馳往署理並於附近督標各營內酌派兵
二千撥赴正定一帶以資防守該督迅速妥辦令
明泰卽日帶兵馳往毋稍遲悞並令該督率同明
泰遴選熟悉將備分起帶往以資調遣再現在又
派健銳火器營兵共二千名前赴軍營分作八起
並派都統巴克坦布護軍統領阿爾薩朗副都統
碩雲保訥音分起帶領自二十八日爲始間日啟

程行走所有沿途車輛程頓等項著梁肯堂速爲
妥協預備以便隨到隨行毋致遲滯

上又命軍機大臣傳諭伊江阿曰湖北雙溝竄逸餘
匪在滹河鎮焚掠卽向東北奔竄已飭派京兵二
千名並諭梁肯堂卽飛飭正定鎮總兵明泰帶領
勁兵二千馳赴豫省迎剿著伊江阿於山東附近
豫省各標協營分選派兵二千於副叅各將領內

擇材九強幹曾經出兵者數員星速分起帶領赴
豫交總兵富成督率調撥以便迎頭兜截務須迅
速妥辦勿稍遲悞

二十五日

丁卯

上命軍機大臣傳諭永保恒瑞景安曰昨據景安奏
探得滹河鎮地方被賊焚掠並接舒亮等知會賊
衆向東北奔竄已降旨派兵六千前往追捕尤爲

得力若賊匪尙在滹河鎮附近屯聚則此項新調官兵自當先赴豫省合剿倘賊聞風南竄豫省無需兵力當卽令前赴永保處幫同剿賊著永保景安酌量形勢差人迎探向帶兵之巴克坦布等明白告知勿使無所適從若各兵未到之先永保景安等已將該處賊匪全行剿淨並生擒劉之協姚之富劉起榮張富國等亦卽一面奏聞一面明白

行知帶兵各員令其於途中轉回以省勞費

二十七日已畢沅奏言蘇省竄匪自逃至王家

河後經永保等督兵會剿已至陳家河一帶臣

連日又拏獲匪黨郭洪必等二十五人訊係賊

營遣令探聽官兵消息布圖四竄滋擾臣復同

總兵徐昭德等於青河口以上督率將備兵勇

搜剿逸匪一百餘人訊無要供當卽同郭洪必

等一併正法惟賊衆東奔西竄自應乘其慌亂
之際先解散其黨與庶賊勢益衰剿辦自易

臣

隨刊發簡明告示於生擒各賊內擇其曉事者
量爲加賞給令齎回賊營通行曉諭數日以來
已據陸續投出五百餘人雖多係被擄脅從而
外間多一悔罪之人賊甲卽少一濟惡之類

臣

俱經面加開導給子口糧安置並令各卡鄉勇

遇有悔罪自首匪黨詢明卽行帶領前來均不
許擅自殺害以絕求生之路日來投出者絡繹
不絕臣惟有勉竭心力剿撫兼施務期及早肅
功奏入

上命軍機大臣傳諭永保恒瑞畢沅景安日畢沅奏
出示曉諭以來連日賊營投出五百餘名續行投
出者尙絡繹不絕該督俱面加開導妥爲安撫自

應如此辦理但此等由賊營投出之人究難深信
畢沅仍當加意防範不露聲色並密諭所屬一體
留心固不可使稍有疑懼尤不可稍涉大意墮其
奸計再賊匪在滹河鎮搶掠後向東北奔竄是否
尙在附近地方屯聚抑又竄往何處畢沅現駐襄
陽距該處甚近自必聲息相通何以摺內未據奏
及至賊匪既向東北奔竄永保恒瑞等是否跟蹤

追捕抑或分兵繞赴前途迎頭截殺前據景安奏
卽帶兵勇一千二百名前往滹河鎮一帶會剿自
應與永保等彼此知會於緊要路口分佈堵截斷
無任賊直向東北竄逸之理此時賊匪曾否擾至
唐縣抑尙離滹河鎮不遠永保等如何趕緊追捕
分路兜擒亦應速行奏聞

同日梁肯堂奏言

臣

於本日接奉

諭旨令飛飭正定鎮總兵明泰於附近營分先行抽
派勁兵二千名星馳赴豫省唐縣交界迎頭截剿

等因

臣

查正定鎮標兵丁前經調撥赴楚會剿

隨將督標各營兵丁撥往各營代防此次應卽

在前項代防兵丁內挑撥一千名又於正定鎮

標及附近營分內撥出一千名並飛札該鎮明

泰欽遵豫備

臣

一抵正定率同挑選卽令該鎮

帶兵四百名作爲頭起刻速起程迅赴唐縣交
界處所痛加截剿其餘一千六百名擬分四起
派委勇幹將弁及曾經出兵之員按日接續起
程前往不令稍有稽延所有軍裝器械照數配
給鉛藥火繩並令寬爲備帶應支官兵分例飭
令藩司鄭製錦酌動款項轉飭地方文員會同
給放臣現已知會景安並飛札河南藩司吳璣

趕緊豫備總期兵行迅速不稍遲滯奏入報

臣

三十日

壬申

永保恒瑞景安慶成舒亮奏言

臣景

安自聞滹河鎮被擾因倉臺爲新野要路僅有

河南兵四百名

臣

景安擬以二百名留防卽帶

兵二百名並鄉勇前往截剿適

臣

永保恒瑞慶

成因自西北抄繞賊衆之前亦恐倉臺兵少卽

由陳家河帶領官兵連夜趕至與臣景安會合

正在起程併力前往策應據弁兵探報有賊匪

一股直奔倉臺沿途焚掠相距二十餘里伏查

豫省邊境地勢平衍須將西北兩面分布弁兵

嚴堵再由北向南剿辦方可無虞臣等公同商

酌先令叅將廣福帶領弁兵趕緊繞赴滹河之

東北堵截臣舒亮烏什哈達總兵德齡自楊家

堵帶兵抄赴湖陽大路截剿又派總兵德光帶
兵一千名前往湖陽鎮接應臣等將倉臺沿河

要口分撥兵勇嚴防一面先派勇幹將備並巴

圖魯侍衛奮勇弁兵自西分路迎擊詎賊匪蟻

聚蜂屯正在沿途各村莊放火搶掠經巴圖魯

侍衛伊里布等將賊夥衝散奮勇弁兵隨後剿

殺鎗擊箭射殲賊甚多餘匪逃回賊屯又據差

探鄉勇報稱叅將廣福在淳河鎮之東劄營連

日亦有賊匪撲犯富卽擊退臣等伏思現在賊

勢分散滋擾地勢平衍無險可據若一味尾追

衝殺恐賊匪前奔益致蔓延祇以官兵晝夜追

殺竄賊已將一月稍形疲乏一時不能分布圍

剿臣等萬分焦灼正在熟籌兇剿據南陽府知

府完顏岱面稟現據隨營防堵之鄉勇頭人捐

職千總李聖植等懇求情願各集義勇隨同殺

賊臣景安查鄧州義勇自四月間剿除該處教

匪以來堵禦鄧州境內甚屬嚴密本有與賊誓

不兩立之心該守完顏岱統率半載鄉勇極爲

畏服若令其帶往協剿可期得力且鄧州煙戶

繁庶村村有備人人奮勇若抽撥前來州境並

不致空虛當卽與臣永保等會商意見相同飭

該府挑選健勇數千優給口糧分別獎勵一俟
調集到齊_臣等卽當督率布置兵勇相兼分路
兜剿務期縛擒首逆早淨根株奏入

上命軍機大臣傳諭永保恒瑞景安慶成曰永保等
奏稱賊匪直奔倉臺卽派將弁繞赴溇河堵截舒
亮烏什哈達等帶兵往湖陽截剿永保等自西分
路迎擊等語漫無端緒賊向東逃豈有自西迎擊

之理且賊匪既直奔倉臺沿途焚掠急需剿捕永保恒瑞等自當酌分一人親往督兵迎頭剿捕何以僅派將弁及舒亮等分路前往況永保等所帶官兵已在賊匪之後摺內何得稱設法兜截迎擊且賊匪在滹河鎮焚掠後是否即將該鎮搶踞而倉臺地方先經景安帶兵堵截賊匪直奔倉臺後是否卽在倉臺附近地方屯聚抑又竄往何處舒

亮等如何繞道堵截會否追及賊匪痛加剿殺永保等現在帶兵前往何處追剿一切實在情形前後顛倒並未詳悉奏及又據奏知府完顏岱稟稱鄧州義勇請隨同官兵殺賊永保等卽令帶往協剿完顏岱係屬文職自應酌派奮勇鎮將幫同剿辦乃永保等亦未計及此卽實因兵力疲乏不能分佈圍剿必須俟京兵及直隸山東兵到彼方能

進擊亦應據實奏明豈得僅以設法兜截虛詞敷衍塞責看來永保等竟因賊勢分竄一籌莫展實屬無能永保恒瑞景安慶成俱著嚴行申飭

同日伊江阿奏言竊臣於二十六日接奉

上諭令於山東附近豫省各標協營分選派兵二千名於副叅各將領內選擇數員星馳帶領赴豫交總兵富成調撥等因臣遵卽在附近豫省之曹州

臺莊臨清等營派年力精壯技藝嫻熟兵各二百名沙溝梁山東昌高唐泰安營兵各一百名沂州武定德州等營兵各三百名共二千名並於副叅各將弁內詳加揀選擇其曾經出師歷練奮勇者分起領兵前進迅赴豫省交富成調撥其應給俸賞行裝等項卽在藩庫照數撥銀分委幹員馳解各營按例支給其一切軍裝器

械火藥鉛彈等項飛飭各營寬爲備帶需用車

輛經臣酌定數目飭令附近州縣趕緊雇備務

期迅速進行沿途不致壅滯亦不使稍涉張皇

再湖北軍營現當剿賊緊要之時需用火藥臣

已飭備三萬觔解往接濟奏入報

聞